

ოზურგეთის მუნიციპალიტეტის გამგეობის

იურიდიული სამსახურის ანგარიში

გაწეული მუშაობის შესახებ

(2015 წლის 1 იანვრიდან 2015 წლის 31 დეკემბრის ჩათვლით)

ოზურგეთის მუნიციპალიტეტის გამგეობის იურიდიული სამსახური „ოზურგეთის მუნიციპალიტეტის გამგეობის დებულების დამტკიცების შესახებ“ ოზურგეთის მუნიციპალიტეტის საკრებულოს 2014 წლის 2 აგვისტოს N2 დადგენილებით დამტკიცებული დებულების მე-10 მუხლის საფუძველზე შექმნილია 2014 წლის 2 აგვისტოდან. სამსახურის ძირითადი ფუნქციაა გამგეობის თანამდებობის პირების საქმიანობის სამართლებრივი უზრუნველყოფა, მათი მიერ გამოცემული ადმინისტრაციულ-სამართლებრივი აქტების პროექტების მომზადება, სამართლებრივი ექსპერტიზა და ვიზირება; არქიტექტურულ-სამშენებლო, გარე რეკლამის განთავსების, გარე ვაჭრობის, ავტოტრანსპორტის პარკირებისა და სხვა სფეროში შესაბამისი ზედამხედველობის განხორციელება და საქართველოს „ადმინისტრაციულ სამართალდარღვევათა კოდექსი“-ს დამრღვევი ფიზიკური ან/და იურიდიული პირების მიმართ საქართველოს კანონმდებლობით დადგენილი პასუხისმგებლობის ზომების გამოყენება; მუციციპალიტეტის კანონიერი ინტერესების (მინდობილობის ფარგლებში) დაცვა საქართველოს ორგანული კანონის „ადგილობრივი თვითმმართველობის კოდექსი“-ს შესაბამისად.

სამსახური შედგება სამსახურის უფროსისა და სტრუქტურული ქვედანაყოფის - განყოფილებებისაგან. სამსახურის სტრუქტურული ქვედანაყოფებია: სამართლებრივი ექსპერტიზისა და სასამართლოსთან ურთიერთობის განყოფილება და ზედამხედველობის განყოფილება.

აღნიშნული უფლებამოსილების განხორციელების ფარგლებში:

1. სამსახურის სამართლებრივი ექსპერტიზისა და სასამართლოსთან ურთიერთობის განყოფილების მიერ შესრულდა შემდეგი სახის სამუშაოები:

ა) შედგენილი იქნა ოზურგეთის მუნიციპალიტეტის გამგებლის 1626 ბრძანების პროექტი, ოზურგეთის მუნიციპალიტეტის გამგებლის პირველი მოადგილის 85 ბრძანების პროექტი და ოზურგეთის მუნიციპალიტეტის გამგებლის მოადგილის 260 ბრძანების პროექტი.

ბ) კანონიერი მოსარგებლეებისათვის გადასაცემი არაპრივატიზებული საცხოვრებელი და არასაცხოვრებელი (იზოლირებული და არაიზოლირებული) ფართობის კანონიერი მოსარგებლეებისათვის უსასყიდლოდ საკუთრებაში გადაცემასთან დაკავშირებით დაკმაყოფილდა 3 (სამი) მოქალაქის განცხადება და მიღებული იქნა გადაწყვეტილებები საერთოსაცხოვრებელ სახლებში არსებული ბინების უსასყიდლოდ საკუთრებაში გადაცემის შესახებ.

გ) შემუშავებული იქნა 19 ნორმატიული აქტის პროექტი, რომელიც დასამტკიცებლად წარედგინა ოზურგეთის მუნიციპალიტეტის საკრებულოს;

დ) შედგენილი იქნა სხვადასხვა სახის 30 ხელშეკრულების პროექტი.;

ე) ოზურგეთის მუნიციპალიტეტის სახელით მონაწილეობა მივიღეთ 6 სამოქალაქო საქმის, 11 ადმინისტრაციული საქმის და 3 სააღსრულებო ბიუროს შუამდგომლობის სასამართლო განხილვაში. რომლებზეც ჩვენს მიერ შედგენილი იქნა (შესაგებლები) და შესრულებული იქნა ყველა საპროცესო მოქმედებები.

აღნიშნული საქმეებიდან:

ექვს სამოქალაქო საქმეზე ჩვენ სასარგებლოდ მიღებული იქნა 5 გადაწყვეტილება. ერთი გადაწყვეტილებით დაკმაყოფილდა მოსარჩელის მოთხოვნა თანხის დაკისრების შესახებ.

თერთმეტ ადმინისტრაციულ საქმეზე ჩვენ სასარგებლოდ მიღებული იქნა 6 გადაწყვეტილება. ერთ საქმეზე - სსიპ ლევან სამხარაულის სახელობის სასამართლო ექსპერტიზის ეროვნულ ბიუროსთან შედგა მორიგება. ერთ საქმეზე, სადაც ჩვენ წარმოვადგენდით მესამე პირს მოსარჩელის მოთხოვნა დაკმაყოფილდა ნაწილობრივ. ხოლო, რაც შეეხება 3 საქმეს სასამართლო განხილვა ჯერ არ დასრულებულა.

სამ სსიპ აღსრულების ეროვნული ბიუროს შუამდგომლობის სასამართლო განხილვასთან დაკავშირებით მხარეებს შორის მოხდა მორიგება;

ვ) სამსახურის მიერ განხილული იქნა 2 (ორი) ადმინისტრაციული საჩივარი აქედან დაკმაყოფილდა ერთი ადმინისტრაციული საჩივარი აქტის ბათილად ცნობის თაობაზე, ხოლო მეორე ადმინისტრაციულ საჩივარზე გადაწყვეტილების მიღების პროცესი შეჩერებულია საჩივარის წარმომდგენი პირის მოთხოვნის საფუძველზე;

ზ) განხილული იქნა ოზურგეთის მუნიციპალიტეტის გამგეობაში, განყოფილების სფეროს მიკუთვნებული, შემოსული განცხადებები და ყველა მათგანზე მომზადდა წერილობითი პასუხი.

თ) ოზურგეთის მუნიციპალიტეტის საკუთრებაში არსებული უძრავ-მომრავი ქონების საჯარო აუქციონის ფორმით პრივატიზებისა და სარგებლობის უფლების გამცემი მუდმივმოქმედი სააუქციონო კომისიის სახელით მომზადდა: 15 - სხდომის ოქმის; 64 - აუქციონში გამარჯვების ოქმის, 64 - ხელშეკრულების; 62 მიღება-ჩაბარების აქტის და 55 საკუთრების დამადასტურებელი მოწმობის პროექტი.

2. სამსახურის ზედამხედველობის განყოფილების მიერ შესრულდა შემდეგი სახის სამუშაოები:

ა) სამშენებლო სამართალდარღვევათა საქმისწარმოების პროცესში განყოფილებამ გამოავლინა 71 სამშენებლო სამართალდარღვევა, რის თაობაზეც გამოიწვია შესაბამისი სამართლებრივი აქტი სანებართვო პირობებისა და საპროექტო დოკუმენტაციით განსაზღვრული ვალდებულებების დარღვევისათვის პირის დაჯარიმების თაობაზე;

ბ) ექსპლუატაციაში იქნა მიღებული მშენებლობა დასრულებული 67 ობიექტი რის თაობაზეც გამოიწვია შესაბამისი სამართლებრივი აქტი;

გ) ადმინისტრაციულ სამართალდარღვევათა საქმისწარმოების პროცესში გამოვლენილი იქნა 5 ადმინისტრაციული სამართალდარღვევა და გზის საფარის

დანაგვიანებისთვის დაჯარიმდნენ ავტოსატრანსპორტო საშუალების მფლობელი ფიზიკური პირები.

დ) მიწის ნაკვეთების უნებართვოდ დაკავებასთან დაკავშირებით განხილული იქნა 15 მოქალაქის განცხადება, რაზედაც განყოფილების მიერ გაიცა შესაბამისი მითითებები და გაფრთხილებები;

ე) განხილული იქნა ოზურგეთის მუნიციპალიტეტის გამგეობაში, განყოფილების სფეროს მიკუთვნებული, შემოსული განცხადებები და ყველა მათგანზე მომზადდა წერილობითი პასუხი.

იურიდიული სამსახურის უფროსი:

ლაშა თავაძე